

۲۱ جمادی الآخر سنه ۱۳۳۳

بخشبه

۲۳ نیسان سنه ۱۳۳۱

DJÉRID I SOUFIE

Fonde en 1090

Organe Turc Fanislamique

Directeur Proprietaire.

HASAN KIAZIM

No. 110, Ile 9 ( 6 mai 1915  
Adresse. Avenue de la S. Porte

Rue Ebussonoud

# جريدة الصوفية

شمدیلک اون بشر کونده بر نشر اولتور

صاحب امتیاز و مدیر مسئول حسن کاظم  
تاریخ تأسیسی ۱۳۲۷ سنه هجری

ملت اسلامیہ — امت عثمانیہ ایچون مفید اولان آثاره  
صحیفه لر مرز آچیتدر درج ایدلمیان اوراق اعاده ایدلر  
استانبولده باب عالی جوارنده ابوالسمود جاده سنده  
نجم استقبال مطبعه سنده اداره خانه مرز اصحاب  
مراجعه هر ساعت آچیتدر

سنه ۴۰ اعتباریله ممالک شاهانه ایچون بشین  
اوله رق ۴۰ الی ایلنی ۲۵ غروش و ممالک  
اجنبیه ایچون ۱۲ فرانقدر .  
تلفون نومروسی : ۱۰۹۷

نسخه سی و ۴ پاره در

تصوفی ، دینی ، اخلاقی ادبی ، سیاسی جریده اسلامیة در

نومرو ۱۱۰

حیاتیه سنه استناد ایله اعلان جهاد ایدن شهریار عالی تبار افندمن بو حرب مقدس واکبرده اردوی هایونلرینک، آتیا مظفریت قطعیه بی استحصال ایده جکنه براعت استهلال اولان انار حماسه و جلادتلرینی کورمکه کامین اولمشلردر.

عثمانیلر یوم جلوس هایونی، تاریخک بو تقدیرات و تحیاتلندن مطمئن اوله رق پر شوق و شطارت استقبال ایتمشلردر.

«جریده صوفیه» بومناسبت مبعجه ایله، حسیات شکرانپرورانه ملیه بی خاکبای برین پایه پادشاهی به اعلا و بوتون ملت ایله یکیزبان اوله رق دیعومت ایام سلطنتلری دعاسنی بارگاه خدایه رفع ایلر.



الغازی سلطان محمد خان خامس حضرقلری

فتوای شریفه صورتیدر

خليفة رسول رب العباد خلدالله تعالى خلافته الى يوم التناد  
سلطان محمد رشاد خان خامس افندمن حضرقلرینک بو دفعه شرعاً  
وقوع بولان سفر هایون نصرتمقرون مسرتمشحو نلرنده بخلوص البال  
تجهیز وارسال بیوردقلری عسا کر اسلام نصر هم الله الملك العلام  
دشمن دین وملت اولان قوم ایله جهاد فی سبیل الله تعالی عزو شانه  
نیت خالصه سیله محاربه و مقاتله ایتلریله | من جهز غازیا فی سبیل الله  
فقد غزا | حدیث شریفی منطق منینی اوزره خلیفه مشارالیه افندمن  
حضرقلرینک غازی اولدقلری شرعاً متحقق اولمغه جمیع اوامر و محافل  
و منابره مخصوصاً خطبه لرده غازی عنوانیه نام نامی شاهانه لری توصیف  
و تلاوت اولنق مشروع و مستحسن اولورمی.

الجواب اولور.

کتابه الفقیر الیه تعالی خیری بن عون الارکوبی  
عنی عنهما

فخری سواری ملازمملکی — داخلیه ناظری و مالیه ناظر  
وکیلی طلعت بک افندی حضرقلرینه فخری سواری ملازم ثانیکلی  
توجیهی خصوصه اراده سنیه حضرت خلافتناهی شرفصادر اولمشدر.

## تبلیغ رسمی

۱۴ مارت ۳۳۱ تاریخیه قرارگاه عمومیدن تبلیغ اولمشدر.  
دون کیجه دشمنک طوربیدو و طوربیل سفائی چناق قلعه

اولقدر ممدوح نتایج واصل اولق تیسر ایدر بو عالمده شمعی به قدر  
ام و اقوامک کلی و جزئی خطالره دوشمنی قانون فطرتدن انحراف  
اولمشندن تولد ایتدیکی صحیف توایخ امثال وشواهدی ایله بزه ارانه  
ایده یور.

رجال سیاسیه ده ارانیلان فضائل و مزایا شفقت و رحمت و اقتدار  
ورویت کبی خصائل ممدوحه اولوب اقوام و امم اوزرینه بسط جناح  
رافته حقوق مشروعه لرینه رعایت و لوازم عدالت ایله مستفید اولور  
ایسه اعدای خارجیه نک رفع و تدمیرنده فدای جان و بذل اموال ایله حصون  
متینه تشکیل ایدر روابط اجتماعیه ده مذاهب و مشاربک هیچ تأثیری  
اوله من هیئت اجتماعیه نک قوای مشترکسی دفع صولت اعدایه کافلدر.  
مملکتک اخلاق و طبایعی و شئون جاریه و احتیاجات موقعیه سی  
البته آنی اداره ایدن رجال سیاسیه نک یوماً فیوماً تجاربی ایله  
تحقق ایدر. حکومت حاضره منی تشکیل ایدن رجال سیاسیه منک  
حسن تدبیر و اداره سی هر نقطه ده متجلی اولمسیله سلامت حالیه  
و مستقبله من غوائل حاضره نک مندفع اولدقدن صکره بمنه تعالی  
بر قاتدها استقرار بولورق حکومت عثمانیه نک مستعد اولدینی موقع  
بلندی احراز ایده جکندن هر عثمانینک امین و مطمئن اولماسی  
لازم کلیر.

خالص

## جهاد اکبر مناسبتیه

صدق ایله قوشک جهاده عون رحان بزده در شوق ایله ارش ایلیک الطاف بزده در  
ظالمک خائلیک قهرین مراد ایتش خدا یورویک توحید ایله امداد سبحان بزده در  
شبه سز ایتش رفیق روح علی الحیدری زوالفقار قاهری اول روح آرسلان بزده در  
قاهرانه حل ابدک محو ایلیک دشمنلری چوق دکل بولله شجاعت حکم قرآن بزده در  
ثولدرک غازی اولک ثولک شهید محترم اولکلام کبریایه بزده ایمان بزده در  
عون سبحان روح فخر العالم اولدقجه منین ای جلالی مصر و قافقاس عن قریب شان بزده در  
صاغر زاده

جلال الدین وهبی

کاخ:

## شئونات

## جلوس هایون حضرت خلافتیناهی

پادشاه عالی عثمانیان الغازی سلطان محمد رشاد خان خامس  
حضرقلرینک سریر آرای خلافت اسلامی، جانشین مقام سلطنت  
عثمانیه اولدقلری یوم مبعجک سنه دوریه سنی ادراک ایدیوروز.  
دولتک و بوتون عالم اسلامه نک بقا و حیاتیه قصد ایدن اوج بویوک  
دشمنه قارشى عهد هایونلرنده مملکت و ملتک نمایش پذیر اولان قوای